
3. Yuav mus kho mob li cas

Kev saib xyuas uas ua tib zoo saib xyuas

Cov kev pab cuam pom zoo siv rau me nyuam hluas.

Koj tsuas tuaj yeem tau txais cov kev pab cuam hauv qab no yam tsis muaj koj niam koj txiv lossis tus neeg saib xyuas kev tso cai yog tias koj muaj 12 xyoos lossis tshaj sauv:

- Kev saib xyuas kev noj qab haus huv fab siab ntsws rau tus neeg mob sab nrauv (cov menyuam yaus hnuv nyoog 12 xyoos lossis laus dua):
 - Kev raug qhuab yuam deev (tsis muaj ciam txwv rau hnuv nyoog uas qis zog)
 - Kev sib deev
 - Kev ua phem fab lub cev
 - Kev tsim txom menyuam yaus
 - Thaum koj muaj kev xav ua phem rau koj tus kheej lossis lwm tus (cov menyuam yaus hnuv nyoog 12 lossis laus dua)
- Kev pov thaiv/kuaj/kho mob HIV/AIDS.
- Kev pov thaiv/kuaj/kho cov kab mob sib kis los ntawm keb sib daj sib deev.
- Cov kev pab cuam kho kev quav yeeb quav tshuaj (cov menyuam yaus hnuv nyoog 12 xyoos lossis tshaj sauv). Yog xav paub ntxiv saib “Cov kev pab cuam kho kev quav yeeb quav tshuaj” nyob rau hauv phau ntawv no.

Yog tias koj muaj hnuv nyoog qis dua 18 xyoo, koj tuaj yeem mus ntsib tau tus kws kho mob yam tsis tau kev tso cai los ntawm koj niam koj txiv los sis tus saib xyuas rau tej yam kev pab cuam no:

- Cev xeeb me nyuam
- Kev tawm phiaj xwm tsev neeg/kev tswj kev muaj me nyuam
- Cov kev pab cuam rho me nyuam tawm

Rau kev kuaj cev muaj me nyuam, cov kev pab cuam tawm phiaj xwm tsev neeg, kev tswj kev muaj me nyuam, los sis cov kev pab cuam txog kev sib kis kab mob los ntawm kev sib daj sib deev, tus kws kho mob los sis khw kuaj mob uas tsis tas yuav yog ib feem ntawm [Aetna Better Health of California](#) lub nev vawj. Koj tuaj yeem xaiv ib tus kws kho mob Medi-Cal thiab mus ntsib lawv rau cov kev pab cuam no yam tsis muaj

kev xa mus lossis kev pom zoo ua ntej (kev tso cai ua ntej) Cov kev pab cuam los ntawm tus kws pab kho mob uas tsis nyob rau lub nev vawj uas tsis cuam tshuam txog qhov kev saib xyuas mob uas ua tib zoo saib xyuas tej zaum yuav tsis raug pab them. Rau kev pab nrhiav ib tus kws kho mob los sis lub khw kuaj mob uas muab cov kev pab cuam no, los sis rau kev pab kom tau txais cov kev pab cuam no (suav nrog kev thauj mus los), koj tuaj yeem hu tau rau tus xov tooj [1-855-772-9076](tel:1-855-772-9076) (TTY [1-800-735-2929](tel:1-800-735-2929) los sis 711).

Cov me nyuam tsis tau muaj hnuv nyoog tuaj yeem sib tham rau nrog tus neeg sawv cev ua kev ntiag tug txog lawv cov kev hnyav siab txog kev noj qab haus huv los ntawm kev hu rau tus xov tooj uas qhib 24/7 ntawm [1-855-772-9076](tel:1-855-772-9076).

4. Cov txiaj ntsig thiab cov kev pab cuam

Tej yam koj lub phiaj xwm kev noj qab haus huv them rau

Nyob rau tshooj no yuav piav qhia tag nrho koj cov kev pab cuam uas pab them rau tam li yog ib tus tswv cuab ntawm [Aetna Better Health of California](#). Koj cov kev pab cuam uas tau pab them rau yog dawb xwb tsuav cov kev pab cuam ntawd muaj kev tsim nyog rau fab kev kho mob thiab raug muab los ntawm tus kws kho mob uas nyob rau hauv lub nev vawj. Koj yuav tsum nug peb rau kev pom zoo ua ntej (kev tso cai ua ntej) yog tias kev saib xyuas tsis nyob hauv lub nev vawj tshwj tsis yog rau cov kev pab cuam rhiab, xwm txheej ceev thiab qee qhov kev pab cuam maj ceev. Tej zaum koj lub phiaj xwm kev noj qab haus huv yuav pab them rau cov kev pab cuam uas muaj kev tsim nyog rau fab kev kho mob los ntawm tus kws pab kho mob uas tsis nyob rau hauv nev vawj. Tab sis koj yuav tsum nug [Aetna Better Health of California](#) rau kev pom zoo ua ntej (kev tso cai ua ntej) rau qhov no. Cov kev pab cuam uas muaj kev tsim nyog rau fab kev kho mob muaj zoo laj thawj zoo thiab muaj kev tsim nyog txhawm rau pov thaiv koj txoj sia, pab kom koj tsis mob hnyav heev los sis xiam oob qhab, los sis txo qhov mob hnyav los ntawm tus mob uas raug ntaus nqi, kev muaj mob los sis raug mob. Rau Cov Tswv Cuab hnuv nyoog qis dua 21 xyoos, Medi-Cal cov kev pab cuam suav nrog kev saib xyuas uas tsim nyog rau fab kev kho mob txhawm rau txhim kho los sis pab txo cov mob los sis tus yam ntxwv mob fab siab ntsws los sis lub cev ntaj ntsug. Rau kev qhia meej tseeb ntxiv txog koj cov kev pab cuam uas tau pab them, hu rau tus xov tooj [1-855-772-9076](tel:1-855-772-9076) (TTY [1-800-735-2929](tel:1-800-735-2929) los sis 711).

Cov tswv cuab hnuv nyoog qis dua 21 xyoos tau txais txiaj ntsig thiab kev pab cuam ntxiv. Nyeem Tshooj 5: Cov men yuam yaus thiab cov hluas saib xyuas zoo kom paub ntau ntxiv.

Qee qhov txiaj ntsig kev noj qab haus huv uas [Aetna Better Health of California](#) muab yog tau teev tseg rau hauv qab no. Cov txiaj ntsig uas muaj lub hnuv qub (*) tej zaum yuav tsum tau muaj kev pom zoo ua ntej.

- Kev nkaug koob cua*
- Mob ceev (kev kho mob ncuaj sij hawm luv - luv) kev kho mob thiab cov kev pab cuam kev noj qab hau hauv ntawm tsev
- Kev txhaj tshuaj tiv thaiv kab mob rau cov neeg laus (txhaj tshuaj)
- Kev kuaj kev tsis haum tshuaj thiab cov kev txhaj tshuaj
- Kev pab cuam tsheb thauj neeg mob rau qhov xwm txheej ceev
- Cov kev pab cuam kws tshuaj loog
- Kev pov thaiv mob hawb pob
- Kev kho kev hnouv lus*
- Cov kev kho kev noj qab haus huv fab cwj pwm*
- Kev kho plawv kom rov ua hauj lwm zoo li qub
- Cov kev pab cuam kho pob txha*
- Kev Kho Mob Siv Tshuaj Khes Mis thiab Kev Kho Mob Siv Duab Hluav Taws Xob
- Kev ntsuam xyuas kev noj qab haus huv fab kev txawj ntse
- Cov kev pab cuam neeg ua hauj lwm saib xyuas kev noj qab haus huv hauv zej zog
- Cov kev pab cuam lim ntshav/kev lim ntshav
- Cov khoom siv kho mob uas kav ntev (DME)*
- Cov kev mus kho mob hauv chav kho mob xwm txheej ceev
- Kev xa zaub mov raws txoj hlab nqos mov thiab raws cov hlab ntsha*
- Cov kev mus ntsib lub chaw ua hauj lwm tawm phiaj xwm rau tsev neeg thiab kev sab laj (koj tuaj yeem mus ntsib tau tus kws pab kho mob tsis-muaj kev koom nrog)
- Cov kev pab cuam pab txhim kho kom zoo thiab cov khoom siv*
- Cov cuab yeej pab kev hnouv lus
- Kev saib xyuas kev noj qab haus huv tom tsev*
- Kev saib xyuas mob ncuaj kawg*
- Kev saib xyuas fab kev kho mob los sis phais mob rau neeg mob sab hauv*
- Chav tshawb fawb thiab thauj duab saib sab hauv nrog cev*
- Cov kev kho mob thiab kev pab cuam fab kev noj qab haus huv ncuaj sij hawm ntev ntawm tsev *
- Kev saib xyuas leej niam thiab tus me nyuam yug tshiab
- Kev hloov nqaij nruab nrog cev uas tseem ceeb*
- Kev kho mob uas yog siv kev ua hauj lwm*
- Txhais khau pab txheem xib taws/cov txhais ceg cuav*
- Cov khoom siv rau kev tho hnyu tawm thiab hlab zis
- Cov kev pab cuam tsev kho mob rau neeg mob sab nrauv
- Cov kev pab cuam kev noj qab haus huv fab puas siab puas ntsws rau neeg mob sab nrauv
- Kev phais neeg mob sab nrauv*
- Kev saib xyuas kho mob hnyav*
- Cov kev mus ntsib PCP

- Cov kev pab cuam kho me nyuam
yaus
- Kev kho lub cev*
- Cov kev pab cuam kho ko taw*
- Kev kho lub ntsws kom rov ua hauj
lwm zoo li qub
- Kev Tso Raws Qib Tag Nrho Cov
Genome Uas Maj Ceev (Rapid Whole
Genome Sequencing)
- Cov kev pab cuam kho kom zoo li
qub thiab cov khoom siv*
- Cov kev pab cuam tu mob uas muaj
kev txawj*
- Cov kev mus ntsib tus kws kho mob
tshwj xeeb
- Kev kho kev hais lus*
- Cov kev pab cuam phais mob
- Kev qhia tshuaj hauv xov tooj/kuaj
mob hauv xov tooj
- Cov kev pab cuam hloov cev*
- Kho mob maj ceev
- Cov kev pab cuam kho qhov muag
pom kev*
- Cov poj niam cov kev pab cuam kev
noj qab haus huv

Cov txiaj ntsig Medi-Cal raug pab them los ntawm [Aetna Better Health of California](#)

**Cov kev pab cuam tus neeg mob sab nrauv (cov neeg mob tsis pw
hauv tsev kho mob)**

Cov kev ntsuam xyuas kev noj qab haus huv fab kev txawj ntse

[Aetna Better Health of California](#) pab them cov kev ntsuam xyuas kev noj qab haus huv fab kev txawj ntse luv - luv ib xyoo ib zaug rau cov tswv cuab uas muaj hnuv nyoog 65 xyoo los sis tshaj ntawd, thiab yog tsis li ntawd yuav tsis muaj cai tau txais qhov kev tsum xyuas uas zoo sib thooj uas yog li ib feem ntawm kev mus saib xyuas kev noj qab nyob zoo ib xyoo ib zaug raws li lub Khoos Kas Medicare. Kev ntsuam xyuas kev noj qab haus huv fab kev txawj ntse yog nrhiav cov tsos mob ntawm tus mob Alzheimer los sis mob puas hlwb.